
FORUM ZA UPRAVLJANJE INTERNETOM (IGF)

NACIONALNE, REGIONALNE I OMLADINSKE IGF INICIJATIVE



Forum za upravljanje *Internetom* (eng. *Internet Governance Forum (IGF)*) je globalna platforma za dijalog i diskusiju svih zainteresovanih strana¹ o javnim digitalnim politikama vezanim za upravljanje Internetom. IGF je jedan od najvažnijih rezultata Svjetskog Samita o

Informacionom Društvu Ujedinjenih Nacija (eng. *World Summit on the Information Society (WSIS)*) tokom kojeg je, na zahtjev učesnika, Generalni Sekretar Ujedinjenih Nacija (UN) formalno potvrdio osnivanje IGF-a 18. jula 2006. godine. Forum je osnovan kao multilateralna, demokratska i transparentna platforma za dijalog i diskusiju zainteresovanih strana (eng. *multistakeholder*²) o problematici upravljanja Internetom.

Institucionalnu podršku Forumu i njegovim aktivnostima pruža IGF Sekretarijat koji je pod administracijom UN-ovog Odjela za Ekonomske i Socijalne Poslove (eng. *UN Department of Economic and Social Affairs (UN DESA)*). Program i agenda se razvijaju na osnovu savjeta i uputa IGF-ove Savjetodavne Grupe Zainteresovanih Strana (eng. *Multistakeholder Advisory Group (MAG)*), čije članove imenuje Generalni Sekretar.

Do sada, osamnaest godišnjih foruma su održani pod okriljem države domaćina.³ Kraljevina Saudijske Arabije kao ovogodišnja država domaćin, će organizovati IGF 2024 u Rijadu od 15. do 19. decembra 2024 godine.⁴

IGF je proces

IGF funkcionira kao kontinuiran proces koji se sastoji od dvije glavne komponentne: godišnji forum i međusesijske aktivnosti (eng. *intersessional work*).



IGF 2019 u Berlinu: Otvaranje od strane UN Generalnog Sekretara i Njemačke Kancelarke

Godišnji IGF je konferencija koja okuplja ljude i organizacije iz različitih dijelova svijeta kako bi diskutovali o nekim od najvažnijih globalnih pitanja koja se odnose na digitalne tehnologije i Internet. Učesnici dolaze iz različitih sektora, uključujući vlade, privatni sektor, predstavnike civilnog društva kao i tehničke zajednice. Program je uvijek interaktivan, razvijen uz aktivno učešće svih zainteresovanih pojedinaca i organizacija (IGF zajednica).

Između dva godišnja sastanka, IGF zajednica radi na nekoliko tematskih aktivnosti. Tipično, ove aktivnosti uključuju

¹ Standardna IGF terminologija koristi termin 'multistakeholder' čije značenje se odnosi na 'više zainteresovanih strana'. U nedostatku adekvatnog prevoda, termini 'sve zainteresovane strane ili multipartnerski' je u upotrebi u ovoj publikaciji.


² Ibid.

³ <https://www.intgovforum.org/multilingual/content/funding>

⁴ <https://www.intgovforum.org/multilingual/>

kooperacijske forme kao što su forumi za razmjenu najboljih praksi (*eng. best practice forums*), dinamične koalicije (*eng. dynamic coalitions*) ili takozvane mreže koje se bave politikama (*eng. policy networks*). Rad ovih aktivnosti se razvija na osnovu kontinuirane kooperacije i dijaloga između svih zainteresovanih pojedinaca i organizacija iz različitih sektora. Rezultati rada su uvijek predmet javnih konsultacija prije nego postanu finalni.

Nacionalne, regionalne i omladinske IGF inicijative



U ovom priručniku:

- > Šta su NRI-ovi?
- > Šta NRI-ovi rade?
- > Zašto se povezati sa NRI-ovima?
- > Kako se povezati?

Tokom godina svog postojanja, IGF je inspirisao mnoge ljude i organizacije iz različitih zemalja da pokrenu svoje lokalne IGF procese, prateći i poštujući procedure i principe UN-ovog IGF-a. Ove nacionalne i regionalne IGF inicijative (NRI-ovi) su fokusirane na uspostavljanje dijaloga i kooperacije između ljudi i organizacija u vezi sa upravljanjem digitalnim tehnologijama i specifičnim pitanjima koja su bitna za lokalnu zajednicu. Njihov nastanak je organski a priroda autonomna. Ipak, NRI-ovi rade i razvijaju svoje procese u skladu sa IGF principima i procedurama. Ovo znači da jedan NRI organizacioni tim zainteresovanih strana (*eng. multistakeholder*) planira i implementira organizaciju godišnje IGF konferencije, te bilo koje druge aktivnosti, u skladu sa principima otvorenosti, savjetovanja i modela "odozdo-ka-gore", sve u neprofitnu svrhu. IGF Sekretarijat priznaje NRI-ove i kao takve objavljuje ih na IGF web stranici, nakon što utvrdi usklađenost rada sa IGF principima. Takođe, Sekretarijat dugoročno podržava individualni i kolektivni rad NRI-ova.

Do danas, IGF Sekretarijat je priznao preko 168 NRI-ova.

[Nacionalne inicijative](#)

[Regionalne inicijative](#)

[Omladinske inicijative](#)

NRI-ovi kreiraju otvorenu i inkluzivnu platformu za umrežavanje i kooperaciju partnera iz različitih sektora i disciplina, uključujući vladin sektor, civilno društvo, privatni sektor i tehničke zajednice, te međunarodni i međuvladin sektor.


Kroz javne konsultacije sa globalnom socijalnom zajednicom, NRI-ovi pomažu mapiranje digitalnih problema sa kojima se lokalna zajednica suočava, te na taj način osiguravaju da su ti problemi dio razgovora međunarodne društvene zajednice kroz UN-ov IGF.

U prosijeku, nacionalni IGF-ovi imaju oko 150 učesnika godišnje, dok regionalni okupe oko 300 učesnika svake godine.

Ko su učesnici NRI procesa?

Pojedinci i organizacije iz različitih sektora i disciplina, iz različitih zemalja i regija su aktivni sudionici NRI procesa. Modeli koooperacije i doprinosa su različiti i mogu se odnositi na formalno članstvo u interdisciplinarnom organizacijskom timu; ili aktivno učestvovanje u drugim NRI aktivnostima kao npr. organizatori sesija, panelisti, moderator, izvjestioci i slično.

Na slici dole je ilustrovana struktura i mogući model jedne NRI zajednice:



Zašto se povezati sa NRI-ovima?

Internet prožima sve dijelove naših života. Njegovi servisi i usluge postaju sve više integrirani u ljudske živote utičući na ljudska prava i slobode. Takođe, njegov uticaj na svjetsku ekonomiju svakodnevno raste. Kada dovedemo ovo u vezu sa kompleksnom prirodom Interneta, jasno je da njegovo upravljanje zahtjeva involviranost svih – od onih koji razumiju njegovu tehničku stranu do onih koji se bave pripadajućim politikama.

Učestvovanje u NRI procesima ima nekoliko benefita, između ostalih:

- ✓ *Upoznavanje eksperata iz različitih oblasti i sektora, uključujući vlade, međunarodne i međuvladine organizacije, civilno društvo, tehničke zajednice i privatni sektor*
- ✓ *Razumijevanje i učenje o digitalnim politikama te problemima sa kojima se lokalna zajednica suočava*

- ✓ *Razmjena znanja i iskustava, te dobrih i loših praksi sa ljudima i organizacijama iz drugih zemalja kako bi se unaprijedio lokalni ekosistem*
- ✓ *Izgradnja povjerenja kroz komunikaciju i dijalog o važnim pitanjima iz oblasti digitalizacije*

NRI-ovi i parlamenti: učenje iz dobrih praksi

Kenya IGF Week

KENYA INTERNET GOVERNANCE FORUM

Organizacioni komitet zainteresovanih strana nacionalnog IGF-a u Keniji predstavlja spoj sveobuhvatnog znanja o Internetu, njegovim tehnološkim i političkim aspektima, kao i društvenim, kulturnim, ekonomskim i pravnim implikacijama. Razumijevanje svih ovih aspekata je ključno kako bi se razmotrio bilo koji vid mogućeg upravljanja Internetom. Zbog toga se neka zakonodavna tijela, u svojim naporima da diskutuju i odlučuju o upravljanju Internetom, obraćaju ovim izvorima znanja za savjet. Na primer, nacionalni parlament Kenije, sa svojim Senatom i Nacionalnom Skupštinom, blisko saraduje sa nacionalnim IGF-om Kenije.

Ova saradnja pomaže parlamentu da:

- *Razumije sta je prioritet za građane Kenije iz oblasti upravljanja Internetom*
- *Informiše i komunicira sa građanima kroz nacionalni IGF*
- *Nauči više o oblasti upravljanja Internetom iz različitih aspekata*
- *Testira predložene zakone prije njihovog zvaničnog usvajanja kako bi se preciznije predvijele moguće štetne posljedice i umanjila potencijalna šteta*

Aktivnim učešćem u godišnjim Kenija IGF diskusijama između svih zainteresovanih strana iz različitih dijelova zemlje, parlament se informiše i inspiriše. Na primjer, nakon brojnih cyber sigurnosnih incidenata, Zakon o zaštiti podataka je usvojen nakon više od osam godina kontinuiranog dijaloga kroz Kenija IGF i nacionalnu školu o upravljanju Internetom.

SEEDIG

Podregionalni IGF za Jugoistočnu Europu (*eng. IGF for South Eastern Europe (SEEDIG)*) takođe ima mehanizam za saradnju sa nacionalnim parlamentima iz regije. Na primjer, 2018. godine, godišnji SEEDIG sastanak je održan pod pokroviteljstvom Predsjednika Nacionalne Skupštine Slovenije. Ova saradnja je omogućila SEEDIG-u da pomogne aktivnost parlamenta stručnim savjetom iz oblasti digitalizacije. Takođe, u 2019. godini, kada je država domaćin SEEDIG-a bila Rumunija, institucionalni partner bila su dva doma nacionalnog parlamenta (Senat i Predstavnički Dom). Ove vrste kooperacije su imale dvostruku svrhu:

- *Osiguranja učešće parlamentaraca na SEEDIG-u*
- *Bolja vidljivost IGF procesa te interdisciplinarnog modela upravljanja Internetom u instituciji parlamenta*

Parlamentarne aktivnosti na godišnjem IGF sastanku

Godišnji IGF sastanak okuplja članove parlamenata iz raznih dijelova svijeta. Diskusije se vode po principu okruglog stola o temama koje su od zajedničkog interesa učesnicima. Učestvovanje parlamentaraca na nacionalnim i regionalnim IGF-ovima je odlična priprema za učešće na globalnom nivou prvenstveno zbog bližeg upoznavanja sa strukturom i mehanizmom djelovanja, kao i zbog razumijevanja prirode konkretnih problema lokalnih zajednica kroz proces više zainteresovanih strana te njihovo prezentovanje na globalnom nivou.



IGF 2020 Sesija sa parlamentarcima

Parlamentarne aktivnosti na globalnom IGF-u su uglavnom organizovane kroz kooperaciju UN Odjela za Ekonomske i Socijalne Poslove (UN DESA) i IGF Sekretarijata, te Međuparlamentarne Unije (eng. Inter-Parliamentary Union (IPU)) i države domaćina IGF-a.



[Agenda 2030 za Održivi Razvoj](#) prepoznaje potencijal koji informacione i komunikacione tehnologije te globalna digitalna povezanost imaju za ubrzanje razvoja društva, premoštavanje digitalnog jaza i razvijanje informacionog društva, baš kao sto naučne i tehnološke inovacije imaju za sve oblasti od medicine do energije.⁵ Dosezanje ovog potencijala ovisi o dobrim digitalnim politikama, što je i prioritet nacionalnih i regionalnih IGF-ova kao i globalnog IGF-a. Na ovom putu dosezanja Ciljeva Održivog Razvoja, uloga nacionalnih parlamenata kao i Vlada i javnih institucija je *veoma važna*.⁶ Ovaj dugoročni cilj transformiranja našeg svijeta je dodatni razlog za aktivno učestvovanje parlamenata i Vlada u procesima više zainteresovanih strana svih NRI-ova.

Budi u kontaktu!

Kontaktiraj IGF Sekretarijat i istraži sve načine povezivanja sa NRI-ovima i IGF-om.

-  igf@un.org
-  www.intgovforum.org
-  <https://mobile.twitter.com/intgovforum>
-  <https://www.facebook.com/IntGovForum>
-  <https://www.instagram.com/intgovforum/>
-  <https://www.youtube.com/user/igf>

⁵ https://www.un.org/ga/search/view_doc.asp?symbol=A/RES/70/1&Lang=E

⁶ Ibid.